



Bosna i Hercegovina
Federacija Bosne i Hercegovine
Hercegovačko – neretvanski kanton
Grad Konjic
GRADONAČELNIK



Broj: 12-24-1-3303/26

Datum: 21.07.2026. godine

Na osnovu člana 15. Zakona o načelima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), člana 38. Statuta Grada Konjica ("Službeni glasnik Grada Konjica, broj: 10/22), Odluke o izvršavanju Budžeta Grada Konjica za 2026. godinu ("Službeni glasnik Grada Konjica", broj: 6/25), tačke 7. Programa utroška novčanih sredstava za novčane podrške aktivne politike zapošljavanja utvrđenih budžetom Grada Konjica za 2026. godinu i člana 3. stav 6. Pravilnika o utrošku budžetskih sredstava namijenjenih aktivnoj politici zapošljavanja mladih broj: 12-11-4-976/26 od 06.03.2026. godine, Gradonačelnik Grada Konjica raspisuje

JAVNI POZIV

za podnošenje zahtjeva za ostvarivanje prava na refundiranje dijela plaćenog poreza na promet nekretninama iz sredstava Budžeta Grada Konjica za 2026. godinu

1. LICA KOJA MOGU OSTVARITI PRAVO NA DODJELU NOVČANIH SREDSTAVA

Pravo na dodjelu novčanih sredstava za refundiranje troškova na ime plaćenog poreza na promet nekretnina mogu ostvariti osobe u dobi do 40 godina života sa prebivalištem na području grada Konjica a koji prvi put rješavaju stambeno pitanje kupovinom nekretnina (stan ili kuća) na području Grada Konjica.

2. IZNOS SREDSTAVA ZA REFUNDIRANJE DIJELA POREZA NA PROMET NEKRETNINAMA

Sredstva za refundiranje dijela na porez na promet nekretninama obezbijedena su u Budžetu Grada Konjica u okviru ekonomskog koda 614 414.

Iznos sredstava za refundiranje po korisniku koji mogu ostvariti pravo na dodjelu istih iznosi maksimalno do 2.000,00 KM.

3. KRITERIJI ZA DODJELU NOVČANIH SREDSTAVA

Novčana sredstva za refundiranje troškova na ime plaćenog poreza na promet nekretnina dodjeljivat će se licima iz tačke 1. ovog Javnog poziva, pod uslovom da ispunjavaju dalje navedene kriterije:

- da je državljanin Bosne i Hercegovine
- da ima prijavljeno prebivalište na području Grada Konjica prije raspisivanja Javnog poziva,
- da na dan uplate poreza na promet ima do 40 godina života;
- da nema niti je imalo u vlasništvu/suvlasništvu nekretninu na području Grada Konjica (ne odnosi se na nekretninu za koju se ostvaruje pravo);
- da bračni drug i djeca nisu vlasnici/suvlasnici nekretnina na području Grada Konjica;
- da suvlasnik nekretnine ispunjava ove uslove, a koji nije ostvario pravo na refundiranje po istom osnovu;
- da ima zaključen ugovor o kupoprodaji nekretnine,

- da je upisano kao vlasnik/suvlasnik nekretnine za koju zahtjeva refundiranje,
- da je porez na promet nekretnina uplaćen u tekućoj godini,
- da podnosilac zahtjeva prvi put rješava stambeno pitanje,
- da nije koristio poticajne mjere za kupovinu prve stambene jedinice.

4. POTREBNA DOKUMENTACIJA

Lica koja podnose zahtjev na Javni poziv dužna su uz zahtjev dostaviti dalje navedenu dokumentaciju:

- uvjerenje o državljanstvu;
- izvod iz matične knjige vjenčanih;
- dokaz o prebivalištu na području Grada Konjica (CIPS) – PBA-1;
- dokaz da lice nije vlasnik ili suvlasnik drugih nekretnina na području Grada Konjica (uvjerenje nadležnog Općinskog suda) – ne starije od tri mjeseca;
- notarski obrađen ugovor o kupoprodaji nekretnine;
- rješenje nadležne poreske uprave o razrezu poreza;
- zemljišnoknjižni izvadak kao dokaz da je podnositelj zahtjeva vlasnik/suvlasnik nekretnine;
- uplatnica o plaćenom porezu na promet nekretnina, te izvod po transakcijskom računu građanina u kojem je vidljiva uplata poreza, kao dokaz da je podnosilac zahtjeva za refundiranje dijela troškova plaćenog poreza uplatio cjelokupni iznos poreza na promet nekretnina po osnovu rješenja nadležne poreske uprave kojim je obvezniku utvrđen iznos poreza na promet nepokretnosti i prava po prijavljenom ugovoru;
- potvrda banke o broju transakcijskog računa na koji se vrši uplata odobrenih sredstava,
- ovjerenu izjavu da podnosilac zahtjeva (**Prilog 1**) ili podnosilac zahtjeva i bračni partner (**Prilog 2**) prvi put rješava/ju stambeno pitanje i da nije/su koristio/li poticajne mjere za kupovinu prve nekretnine

Ukoliko je nekretnina u suvlasništvu, podnositelj zahtjeva za ostvarivanje prava na dodjelu novčanih sredstava za refundiranje troškova na ime plaćenog poreza na promet nekretnina je dužan da pored naprijed navedene dokumentacija dostavi dokumente navedene pod a), c), d), j) (Prilog 2) i za lica sa kojima je suvlasnik nekretnine.

Služba za privredu, poljoprivredu, investicije i lokalni razvoj Grada Konjica prema potrebi može zahtijevati i druge dokaze od podnosioca zahtjeva.

Dokumentacija se prilaže u originalu ili ovjerenoj fotokopiji.

5. PODNOŠENJE ZAHTEJEVA

Zahtjev sa traženom dokumentacijom se podnosi putem protokola gradske uprave Grada Konjica Službi za privredu, poljoprivredu, investicije i lokalni razvoj, a isti se predaje direktno u zatvorenoj koverti sa naznakom:

“Prijava na Javni poziv za podnošenje zahtjeva za ostvarivanje prava na refundiranje dijela poreza na promet nekretninama iz sredstava Budžeta Grada Konjica za 2026. godinu” (uz obaveznu naznaku “Prijava na Javni poziv-NE OTVARAJ”).

Prijavni obrazac i prilozi mogu se preuzeti na web stranici Grada Konjica (www.konjic.ba) i na info pultu u zgradi gradske uprave.

Nepotpuni i neblagovremeni zahtjevi neće biti razmatrani.

Javni poziv ostaje otvoren do 29.12.2026. godine.

6. DODATNE INFORMACIJE

Dodatne informacije o ovom javnom pozivu mogu se dobiti svakim radnim danom putem telefona: 036/712-253 – Adisa Kevrić i 036/712-245 - Naida Macić ili putem e-mail-a: adisa.kevric@konjic.ba i naida.macic@konjic.ba.

GRADONAČELNIK

Osman Ćatić s.r.